



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XLV. Gregorii Papae I. Ad Virgilivm Arelatensem Et Theodorvm Massiliensem Episcopos. Iudaeos non esse ad baptismum cogendos, sed ad fidem amplectendam suaviter excitandos.

urn:nbn:de:hbz:466:1-15221

tia tuae praesenti iussione praecipimus, ut ei annis singulis vigintiqua tuor modios tritici, fabae quoque modios duodecim, & vini decimatas viginti pro sustentatione vitae debeat ministrare: quod tuis postmodum possit rationibus imputari. Ita ergo fac ut praesentium lator nullas de percipiendis Domini donis moras sustineat: & tu bene dispensatae mercedis possis particeps inueniri.

EPISTOLA XLV.

GREGORII PAPAE I.

AD VIRGILIVM ARELATENSEM ET THEODORVM MASSILIENSEM EPISCOPOS.

Iudaeos non esse ad baptismum cogendos, sed ad fidem amplectendam suauiter excitandos.

Gregorius Virgilio Arelatensi, & Theodoro episcopo Massiliae Galliarum.

SCRIBENDI ad fraternitatem vestram, reddendique debita salutationis alloquium, licet nulla congrui temporis vel personarum esset occasio; actum est, ut vno in tempore, & quae decebant de dilectione proximitatis fraternae persoluerem, & quorumdam querimoniam, quae ad nos perlata est, quomodo errantium animae saluandae sint, non tacerem. Plurimi siquidem Iudaicae religionis viri in hac prouincia commorantes, ac subinde in Massiliae partes pro diuersis negotiis ambulantes, ad nostram perduxere notitiam, multos consistentium in illis partibus Iudaeorum, vi magis ad fontem baptismatis, quam praedicatione perductos. Nam intentionem quidem huiuscemodi & laude dignam censeo, & de Domini nostri dilectione descendere profiteor. Sed hanc eandem intentionem nisi competens scripturae sacrae comitetur effectus, timeo ne aut mercedis opus exinde non proueniat, aut iuxta aliquid animarum quas eripi volumus, quod absit, dispendia subsequantur. Dum enim quispiam ad baptismatis fontem non praedicationis suauitate, sed necessitate peruenerit, ad pristinam superstitionem remeans, inde deterius moritur, vnde renatus esse videbatur. Fraternitas ergo vestra huiusmodi homines frequenti praedi-

Ioan. diac.
lib. 4. cap.
23. vit.

catione prouocet; quatenus mutare veterem vitam magis de doctoris suauitate desiderent. Sic enim & intentio vestra recte perficitur, & conuersi animus ad priorem de nouo vomitum non mutatur. Adhibendus ergo est illis sermo, qui & errorum in ipsis spinas vrere debeat, & prædicando quod in his tenebre scit illuminet: vt pro his admonitione frequenti mercedem fraternitas vestra capiat, & eos, quantum Deus donauerit, ad nouæ regenerationem vitæ perducatur.

EPISTOLA XLVI.

GREGORII PAPÆ I.

AD THEODORVM DVCEM SARDINIÆ.

De Iuliana abbatissa, & Pompeiana.

Gregorius Theodoro duci Sardinia.

IUSTITIAM quam mente geritis, oportet coram hominibus luce operum demonstratis. Iuliana siquidem abbatissa monasterii sancti Viti, quod Vitulana quondam recordandæ memoriæ construxerat, insinuauit nobis a Donato officiali vestro possessionem iuris prædicti monasterii detentari. Qui dum excellentiæ vestræ patrociniis erigi se conspicit, ad examinandum iudicium venire contemnit. Sed nunc gloria vestra præcipiat eundem officialem cum prædicta ancilla Dei arbitrale subire iudicium; quatenus quidquid eorum de tali controuersia arbitrorum iudicio fuerit diffinitum, effectui mancipetur, vt id quod se amittere siue retinere perspexerit, non hoc virtutis opere fieri, sed legis iustitiæ debeat reputari. Pariter & Pompeiana religiosa, quæ monasterium in domo propria construxisse dignoscitur, queritur matrem quondam generis sui defuncti testamentum eius velle cassare, quatenus vltimum filii eius arbitrium ad irritum deducatur. Pro qua re caritate paterna gloriam vestram necessario duximus adhortandam, vt piis se causis salua iustitia libenter accommodet, & quidquid his iuris ratio tribuit, benigne iubeat custodiri. Dominum autem petimus, vt viam vitæ vestræ propitius dirigat, dignitatemque susceptam administrationis prosperitate disponat.